

孫奇逢 字啓泰一字鍾元容城人清道光八年從祀

張履祥 字考夫梅鄉人清同治十五年從祀

陸隴其 字稼書平湖人清雍正二年從祀

張伯行 字孝先儀封人清光緒四年從祀

西廡先儒三十二位

穀梁赤 字元始魯人貞觀二十一年從祀

高堂生 字伯一字升平漢魯人貞觀二十一年從祀

董仲舒 字寬大漢廣川人元至順元年從祀

劉德 字路叔漢沛人清光緒三年從祀

毛萇 字長公漢趙人貞觀二十一年從祀

杜子春 漢緱氏人貞觀二十一年從祀

諸葛亮 字孔明漢瑯琊人清雍正二年從祀

王通 字仲淹隋龍門世稱文中子嘉靖九年從祀

韓愈

字退之唐南陽人
元豐七年從祀

胡瑗

字翼之宋泰州人
嘉靖九年從祀

韓琦

字稚圭宋相州人
清咸豐二年從祀

楊時

字仲立宋將樂人
明憲治八年從祀

游酢

字定夫宋建陽人清
光緒十八年從祀

尹焞

字彥明宋洛陽人
清雍正二年從祀

胡安國

字康侯宋崇安人
正統二年從祀

李侗

字愿中宋劍浦人隆慶六年
從祀一作萬曆四十七年

呂祖謙

字伯恭宋婺州人世稱東萊先生
景定二年從祀嘉靖九年稱先儒

袁燮

字和叔宋鄞縣人
清同治七年從祀

黃幹

字直卿宋閩縣人
清雍正二年從祀

輔廣

字漢卿宋慶源人
清光緒五年從祀

蔡沈

字仲默宋建陽人
正統二年從祀

魏了翁 字華父宋浦江人
清雍正二年從祀

王柏 字會之宋金華人
清雍正二年從祀

陸秀夫 字居實宋楚州人
清咸豐元年從祀

許衡 字仲平元河內人
皇慶二年從祀嘉靖九年稱先儒

劉因 元容城人字夢吉
諡文靖

吳澄 字幼清元崇仁人
正統八年從祀嘉靖九年罷祀
清乾隆二年復祀

許謙 字益之金華人
清雍正二年從祀

曹端 字正夫明灤州人
清咸豐十年從祀

陳獻章 字公輔明新會人
萬曆十二年從祀

蔡清 字介夫明晉江人
清雍正二年從祀

王守仁 字伯安明餘姚人
明萬曆十二年從祀

呂坤 字叔簡明寧陵人
清道光六年從祀

黃道周 字幼平明漳浦人
清道光五年從祀

陸世儀

字道威江蘇太倉人
清光緒二十年從祀

湯斌

字孔伯雒州人清
道光三年從祀

按王夫之顧炎武黃宗羲光緒三十四年從祀在西廡末至

趙岐從祀
年月俟考

再

文廟既升大祀則禮同郊

天尤異數也

崇聖祠在大成殿後

原名啓聖祠雍正元年追
封五世王爵改爲崇聖祠

正殿五位

壇廟祀典臺高三尺五寸神龕高九尺三寸神牌俱高三尺
四寸五分厚八分座高六寸五分廣一尺四寸硃地金書

肇聖王木金父公正位南向

裕聖王祈父公東一室南向

詒聖王防叔公西一室南向

昌聖王伯夏公東二室南向

啓聖王叔梁紇公西二室南向

東配

壇廟祀典臺高三尺四寸神龕高六尺四寸神牌高二尺
二寸廣六寸厚六分座高三寸廣一尺赤地金書

先賢孔氏

字孟皮 至聖先
清咸豐七年配享

先賢顏氏

名無繇字季路 復聖父開元二十七年從祀大成殿兩廡嘉靖九年升配

先賢孔氏

名鯉字伯魚 述聖父咸淳三年從祀大成殿兩廡嘉靖九年升配

西配

先賢曾氏

名點字子皙 宗聖父開元二十七年從祀大成殿兩廡嘉靖九年升配

先賢孟孫氏

名激字公宜 亞聖父嘉靖九年配享

東廡

先儒周氏

名輔成字伯大 先賢周敦頤父萬曆二十三年從祀

先儒程氏

名珦字伯溫 先賢程灝程頤父嘉靖九年從祀

先儒蔡氏

名元定子季通 先儒蔡沈父嘉靖九年從祀

西廡

先儒張氏

名迪 先賢張載父清雍正二年從祀

先儒朱氏

名松字喬年 先賢朱熹父嘉靖九年從祀

歷代孔廟崇祀本末

孔聖之廟祀本緣太學釋奠而起宋齊間太學已有宣尼廟見齊書北齊令郡學皆于坊內立孔顏廟唐武

德初立周孔二廟于國子學貞觀二年乃罷周公而專祀孔子四年詔州縣學皆作孔子廟州縣皆有文

廟始於此十一年詔作廟於兗州曲阜曲阜孔廟始於此二十一年詔左邱明至范甯二十二入皆配享

尼父廟與顏子皆為先師文廟以先儒從祀始于此睿宗景雲三年以四科弟子曾參從祀列于七十

二賢之上此顏曾升四配閔冉以下稱十哲之緣起也玄宗開元七年以司業李元躒奏詔顏子及十哲

為坐像前皆立侍與曾參悉預享七十子及二十二賢皆圖壁此為十哲坐侍先賢先儒皆有像之始開元八

年始立先聖塑像開元二十七年八月追贈孔宣父為文宣王顏回為兗國公餘十哲皆為侯以下六十

七人皆伯夾坐此為夫子諡文宣七十子皆有封爵之始唐志則云天授三年封孔子為隆道公長壽二

年諡隆道公曰文宣則文宣之諡實始武后特未封王耳春秋二祭必用仲月上丁樂用宮懸牲用太牢

舞用八佾二事已見于北齊至此乃以為永制令三公攝事則始于開元二十八年初以學官博士主祭武德中許敬宗奏請令國子祭酒

中縣令初獻上佐縣丞亞獻至是乃遣三公焉明洪武則遣丞相初獻加號大成至聖始于宋至道州縣官朔望上香始洪武十七年籩豆加十始

明初加用十二始成化中去封爵諡號止稱至聖先師改塑像為木主始于嘉靖九年宋太宗大中祥符

元年十一月復幸孔林至文宣王墓設奠再拜帝王拜孔子墓始見此二年五月詔封十哲為公七十二

元

弟子爲侯先儒爲伯孔廟從祀封爵蓋自此年始定也

顏子唐己封竟國公孟子以熙寧七年封鄒國公度宗咸淳三年封曾子鄒國公孔汲沂國公皆配享先聖蓋政和新儀闕也

以下止封郡公曾子猶以武城侯列十哲顯孫師猶以穎川侯祀東廡至咸淳中乃改十哲與四配同稱國公子張亦封陳國公云

元文宗至順元年封顏子兗國復聖公會子鄒國宗聖公子思沂國述聖公孟子鄒國亞聖公四配加復聖宗聖述聖亞聖之號昉此

宋禮志大觀二年議禮局言史記弟子傳受業身通六藝者七十有七人自顏回至公孫龍年名及受業事見書傳者三十五人姓名僅存者四十二人唐會要亦七十七人而家語稱七十二弟子皆升堂入室開元禮亦止七十二人又復去取不一本朝議臣斷從七十二子之說取琴張等五人而去公夏首等十人今以家語史記參定公夏首后處公肩定顏祖鄒單罕父黑黍商元亢樂欬廉潔皆有伯爵載于祀典唐會要開元禮亦互見之請追贈侯爵使預祭告認從之孔子弟子之去取名數之多寡蓋自此始定焉

王權
典昉

謹按由東向而南向由中祀而大祀所以褒崇之者亦云至矣要之皆尊師重道帝王之盛德也於孔子何加焉然亦第尊崇之而已究未嘗行其道也而尙能維繫絲延以至千數百年之久使人道不至淪於禽獸者則以遺經尙存三綱五常之教雖鄙野婦孺久涵濡於肌髓之中而凜然知其不可犯故

耳今則丁祭廢而經亦無敢過問之者則亘古未有之奇變也願有心世道者一致思焉天運循環無往不復敬誌祀位及典禮節畧於此庶他日有志存復古者得亦有所采擇云

名宦祠 在戟門東內祀晉張輔唐李夷簡柳宗元崔立之薛訥王珣宋王獵皇甫穆元荆懋明樓璉王科韓瓚呂好古王邦才清周崧曉馬學賜等十六人

鄉賢祠 在戟門西內祀漢李廣唐李元通蘇响盧鈞柳公權宋呂大忠呂大防呂大鈞呂大臨元張訥明李誼榮華李庭實榮祭李東王旌王之士等十七人

孝子祠 在泮池東雍正六年知縣李元昇奉文建內祀孫基昌張文運楊琳及義行生員李九如等四人

儒學 在文廟西偏漢唐宋之制未詳明洪武十年知縣樓璉建廟而學廨因之舊址在縣治西北自清知縣張澂遷建文廟於東南而學舍未移知縣蔣文祚於乾隆十一年始移附文廟西偏門樓三間二門三門明倫堂三間後爲教諭訓導廨齋房共十二間道光十八年署訓導李祖望率閭邑士庶捐修學制 小學教諭一員訓導一員歲科試額進文生員八名歲試額進武生員十二名廩生二十名增生二十名二年一貢後又額加進府學文生員四名

學田 明萬曆二十七年文宗錫山李公發銀一百兩買到樊王里民人韓達等白鹿原旱地六十畝
每年小麥八石三斗三合四勺穀一十三石八斗三升三合六勺儲預備倉以贍士之貧乏者 又
學田水地八畝坐落余家坡每年租稻三石二斗旱地二畝坐落白村每年租麥米四斗縣冊

臥碑

歷代教法之善足以繼司徒三物之教者莫過於宋大中祥符之八行八刑條文具金石志而文藝
不與時尙無八股之制也次則洪武二年頒行臥碑於各縣之明倫堂士子有犯學規者則罰令跪
讀以示警清治因之故爲士者皆知自愛而相戒以不敢有違今具錄其文如左

朝廷建立學校選取生員免其丁糧厚其廩膳設學院學道學官以教之各衙門宜以禮相待全要
養成賢材以供朝廷之用諸生皆當上報國恩下立人品所有條教開列於後

一生員之家父母賢智者子當受教父母愚魯或有爲非者子既讀書明理當再三懇告使父母不
陋於危亡

一生員立志當學爲忠臣清官書史所載忠清事蹟務須互相講究凡利國愛民之事更宜留心
一生員居心忠厚正直讀書方有實用出仕必作良吏若心術邪刻讀書必無成就爲官必取禍患

行害人之事者往往自殺其生常宜思省

一生員不可干求官長交結勢要希圖進身若果心善德全上天知之必加以福

一生員當變身忍性凡有司官衙門不可輕入卽有切己之事止許家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師亦當盡心教訓勿致怠惰

一軍民一切利病不許生員上書陳言如有一言建白以違制論點革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官知罪

謹按宋初三舍升補以行誼爲主而經藝次之非小重本也程子猶病其公私試補無虛日以禮義相先之地而月使之爭殊非教養之道有改試爲課之議而訖未能行則所重未爲不當也其如人之急於利祿有以爭鬥其心何哉迨入股之制興則其途尤捷而其弊愈甚矣明初雖兼試弓馬然止於技勇且不久而遂廢卒至士習闖茸公行請託廉恥道喪以至於亡清懲其弊而臥

碑之申明與列祖之訓飭何常不切切以變化士風爲急然所以取之也初試專經而抄襲成習表判則駢儷頌揚之文法律門面之語而八股則所特重也雖名儒名臣什九皆出其中者說謂諸人之能得科舉非科舉之能得諸人也專經表判久亦隳廢經文策對亦成具文而長吏之勤於課試者群以文風之盛衰爲殿最父兄師友汲汲以科第爲急士自束髮受讀雖以聖人之經朝夕講讀而意之所重則率以是爲利祿之資而趨之若鶩無他利誘之也故愈趨愈下至同光之季而變法之議起數百年八股之運於是乎終矣

敬一亭 在縣治西北嘉靖九年韓瓚建今廢

尊經閣 在縣治西北明萬曆二十九年建今廢

玉山書院 原在縣署西清乾隆四十一年知縣阮曙因士民情願捐銀設立詳請建大門二門講堂上房各五間廡房六間肄業房三十間費銀二千八百三十八兩工竣後延師束修生童膏火飯食獎賞等由阮曙捐俸辦理戊戌春阮知縣以丁艱去任書院空廢五十九年知縣馬學賜到任重加整頓捐俸延師嚴立課程嘉慶元年以後月課久虛八年知縣莊達吉到任捐廉設立生童膏火四十名立考課規條旋廢十五年知縣邵琨於正賦外每年籌出大錢三百串歸入書院又將韓聘變產入官發商

生息爲山長修脯之資道光七年知縣羅定約親身課士添置桌橙文風漸振雖學額只八名而歲撥府四名十四年知縣胡元煥勸諭渭紳李繼廣捐地二十八畝訓導孫耀祖捐地四十畝爲書院費不足由縣代墊又於書院西添建報功祠內祀阮瞻周崧曉馬學賜莊達吉邵現五人移輞川石刻二十二方於祠又提出韓聘變產息銀四百八十五兩列入交代款內至同治初知縣阮華年未列交代款遂無着九年知縣呂懋勛以書院近縣署地非僻靜又邑向無考院規制不全乃改舊書院爲考院於西門內購屋重建書院計大門房五間講堂上房各五間前後廂房六間

書院規條摘要

一每月大課兩次定於每月初二日師課十六日官課局門課試兼課生童每課四書文一篇五言排律詩一首申刻交卷如有繼燭及携卷出做者定置末卷

一每月師課兩次定於每月初八二十二日專課童生凡在書院肄業者當日交卷其有離城稍遠者領題外作次日清晨交卷如有過辰交卷者置末

一科場年每月加課一道官師分校定於每月初十一二十一二三日專課諸生照科場出題作文次日申刻交卷日入不完者不閱

一詩文中字樣如犯科場貼例者一照科場貼例榜示講堂

一詩中失粘爲科場大病課卷如有失粘者每一字罰錢五文出句用平聲住脚者罰錢二十文至一三五如不調諧卽是失粘俗誦所爲一三五不論二四六分明者斷不可從

一應課生童於大課日期或有事故不能到者須先期或親身或遣人於書院山長處告假

一大課諸生取在前五名者給銀五錢六名至十名者給銀三錢童生取在前五名者給銀三錢六名至十名者給銀二錢

一每課設午飯一頓款待諸生每六人飯一桌每飯一桌兩素六葷飯米二升酒一壺山長特自一桌於講堂齊集共食諸生分生童各以齒序不得凌亂

一凡品行不端者不得肄業書院

一書院原有方桌一張長桌六張板橙六條乾隆五十九年歲貢王有造捐置長桌七張板橙十條課期均勻共坐不得占據有傷恕道

一書院未設膏火以養諸生難以強人住宿其願來居住者聽

一凡應課之人往者不追來者不拒惟告假三課而復收到者卽算初到雖文佳前列亦將獎賞扣下

以與最不間斷者

書院肄業生童章程係道光六年知縣胡元煥定

一生童正課定額各八名附課定額各十二名

一生員正課每月給膏火錢一千文附課每月給膏火錢五百文

一童生正課每月給膏火錢八百文附課給膏火錢四百文於次月官課之期給發前月膏火

一課期定於每月十二二十等日齋課初二日官課如生童有一課不到者將膏火錢扣除十日

一每次官課取在五名以內者俱加獎賞

一官課之期諸生等務於卯刻齊集禮房註冊聽候點名屆試一文一詩定於申刻交卷不得違延

一內舍生童等一切牀桌器用等件俱自置備

一官課齋課試卷俱本縣捐廉刷印所散毋庸諸生自備

一生員如遇鄉試歲科試童生如府試三原考試不到者均不扣膏火

一每月官課齋課生員分超等特等壹等爲三等童生分上取次取又次取爲三等如附課生員有連

三次考在前三名者附課童生有連三次考在上取前三名者附課均補作正課

一正課生員有連二次考在壹等者正課童生有連二次考在又次取者正課均降爲附課附課均扣除

一逢鄉試年分外加附課生員十名以二月爲始八月停止

一逢鄉試里衛公所捐每人雜費錢五百文

書院款項

一每年大梁村等處牧產地共二十頃每畝歲取租錢七百元每年共收租錢一千四百串文由官催徵書院經收酌量存放

一西鄉涿家坡劉治存租種書院地四十畝每年收取租錢二十八串文

一西鄉高家堡租種書院地七畝張廷轉租種書院地二畝白雲喜租種書院地二畝共租種十一畝每年收取租錢二十五串文

一北鄉陳家坪陳福壽陳五娃租種書院地二十四畝每年收取租錢一十六串八百文

一北鄉陳家坪張三魁租種書院地六畝每年收取租錢四串二百文

一北鄉張家河灣張邦有租種書院地三畝四分每年收取租錢三串四百文

一北鄉劉家前村劉大振租種書院地五畝每年收取租錢五串文

一西鄉安子溝耿不福租種書院地十七畝每年收取租錢十七串文

社學

舊志舊制各里皆設後盡被侵廢雍正七年知縣李元昇奉文復建設四鄉共五處一在厚子鎮一在大寨村一在故景里一在洩湖鎮一在安村

義學

舊志在北門內康熙二十六年知縣鄧十英捐建有碑記雍正五年李元昇道光十八年孫耀祖重修

義學學田

縣册坡地十一畝二分坐落白虎寺該地丁糧五斗七升零係岳坊里六甲歷任捐俸完納每年夏秋送租八石又前任蔣公文祚充給義學膏火絕軍地租錢一千六百文坐落七盤坡地方又充給義學膏火絕軍地每年夏秋送租一石坐落黑溝俱

義學館師收討

四鄉義學

同治十二年知縣呂懋勛添設東鄉普化鎮南鄉在大寨村西鄉在孟村鎮北鄉在洩湖鎮又阿氏莊一處係同治十二年本地紳請設

附坊表

德配天地坊在文廟前

圓橋坊在泮池前

宣化坊在縣治東

承流坊在縣治西

威靈顯應坊在城隍廟內

題名坊在儒學前

世科坊爲舉人程濟立

豸史坊爲御史封貴立

繡衣坊爲御史馮進立

雲路坊爲舉人亢嵩立

觀光坊爲舉人董鍾立

得俊坊爲經魁劉祥立

飛鳳坊爲舉人王珍立

光裕坊爲舉人榮華立

文苑接武坊爲舉人封琪立

紹美坊爲舉人程知立

金榜聯登坊爲進士榮華立

御史坊爲御史榮華立